



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXX.

urn:nbn:de:hbz:466:1-11453

INtereà moritur Ludouicus Lotharij filius, Imperator: quo comperto, Karolus Caluus rex Franciæ, filium mittit ad eam Lotharingiæ partem tutandam, quam ex Lothario Imperatore accepit: ipse magno agmine, magnis itineribus contendit in Italiam. Ludouicus autem Germaniæ rex hoc futurum prospiciens, Karolum filium illi opponit, iter eius impediturum: sed Karolus Caluus fortior incubuit, quàm vt à Karolo Germanico impediretur: Igitur ille accessit partibus victoris, cedens patruo. Alium illi filium Ludouicum Ludouicus opposuit: sed vbi nihil se posse facere conspexit, ad patrem est reuersus. Intereà Karolus Caluus Franciæ rex Imperij coronam accepit de manu Pontificis: & discedens Italia, Rosimon coniugis suæ fratrem Italiæ præfecit: attributo illi, quantum voluit, præsidio militum, quo prouinciæ tutaretur: Cui etiam neptem suam, filiam Ludouici fratris, Germaniæ regis, despondit vxorē: Ipse verò iam Romanus Imperator, reuersus est in Franciā suam, auctior dignitate Imperij. Ludouicus rex Germaniæ per ea tempora fato concessit, Ludouicum & Karolum filios relinquens: Ludouicus autem iunior, missis ad patruum Karolum Imperatorem oratoribus, amicitiam eius postulat, & abolitionem earum rerum, quæ patri illius cum eo fuere. Aversatus Karolus, reiecit legationem. Ludouicus autem magnam ex Turingis, Saxonibus ac Bauaris manum contrahens, ad Rhenum castramentatur, ducturus in patruum. Occurrit illi Imperator, ab altera ripa fixis tentorijs. Tentatur in transactionem verti per medios oratores. Dum illi rei intentus Ludouicus paci se parat, Carolus Imperator molitur insidias: nam diuerso itine-

re per noctem copias transponit : & iubet occultis itin-
ribus hostilia castra depugnare. Detectis insidijs, Lud-
uicus suos in ordinem collocat : & venientes excep-
Francos, fugatque, multos in itinere prosternens,
non se venisse gauderent. Imperator suis fugientibus
& ipse ad pugnam imparatus, fugae fit comes. Præda
multam assequuntur insequentes : sparsi etiam à rufis
cis nudantur rebus. Ità insidiarum suarum statim pœni-
tuit Imperatorem. Cùm interim Normanni premerent
Franciam, & Saraceni Italiam, vocatus à summo Pon-
tificem Imperator, cum expeditis copijs Italiam ingreditur :
mittens ex ducibus, qui Normannis conflictarentur.
Iohannes pōtifex obviam Imperatori proficiscitur.
Papia se salutant : interim iunctis agminibus Roman-
petunt. Karolus autem Germanici Ludouici filius, cum
magnis copijs & ipse in Italiam contendit, gratiā init-
rus apud summum Pontificem : audiens autem Impera-
torem se praeuenisse, conuerso itinere redit in Germani-
am. Imperator rebus compositis, cùm redire parat in
Franciam, febre corripitur : Iudeus, quem medici loca
honorabat, potione illum donat, vt putauere, amatoris.
Ille indè finem viuendi fecit. Ludolphus quoque Sax-
oniae princeps, tranquilla pace compositus, in pace
quieuit.

CAPVT XXXI.

Bruno, Tanquardus, Otto, liberi fuere Ludolphus
quorum Bruno insigne nomen reliquit vico, quem
ille primus inchoauerat : qui ex illo dictus est Brunonis
vicus : iam diu Brunswicum, insigne oppidum in media
Saxonia, ad riuum Onacri, qui influit Visurgum. Cuius
oppidi parua primū initia, multas per tempora ha-
buere acceffiones : vt per vices amplificatum, nunc in